

**Landesbibliothek Oldenburg**

**Digitalisierung von Drucken**

**Phaedri Avgusti Liberti Fabvlarvm Aesopiarvm Libri V.**

**Phaedrus**

**Rintelii, MDCCXXXVIII**

**VD18 13044567**

Fab. IX. De vitiis hominum.

**urn:nbn:de:gbv:45:1-17134**

Immisit se barbatus. Tum vulpecula  
Euasit puteo, nixa celsis cornibus,  
Hircumque clauso liquit haerentem vado.

10

*Suo semet periculo eximere quisque studet.*

Si quis in magno versatur periculo, quod semper dat veniam culpae : quo quis modo , si vel maxime alterius malo , elabi studet. Cum vulpes imprudens in puteum decidisset , haerensque in imo arctius conclusa crebris saltibus extremitatem non posset attingere supremam: siti compulsus ad locum eundem venit hircus, eamque calamitate sua detentam rogauit, num aqua esset dulcis atque sufficiens ad restinguendam sitim. Vulpes, ad liberandum sese, omni studio et conatu de fraude cogitans, euge , inquit, delicias si velis praegustare veras , descendere quaeso : tanta enim fontis est suauitas, ut mea vix inde possit satiari voluptas. Cupidus ergo in puteum se contulit hircus. Vulpes autem eius dorso celsisque cornubus insistens repente suo euasit carcere, ac miserum in fundo haerentem reliquit.

F A B. IX.

*De vitiis hominum.*

Peras imposuit Iupiter nobis duas:  
Propriis repletam vitiis , post tergum dedit,  
Alienis ante pectus suspendit grauem.

Hac re videre nostra mala non possumus:  
Alii simul delinquunt , censores sumus.

*Indulget nimium quisque sibi.*

Duplicem Iupiter humeris mortalium impo-  
suit

suit saccum, a pectore et tergo, diuiso velut  
onere, pendentem: sed partem leuorem pro-  
priis repletam vitiis post tergum dedit: gra-  
viorem longe, vitiis refertam alienis, conspi-  
ciendam semper, ante oculos posuit. Factum  
inde est, ut scelera nemo sua cernere queat:  
omnes vero grauissimi in delictis alienis cen-  
sores existant.

## FAB. X.

*Fur aram compilans.*

Lucernam fur accedit ex ara Iouis,  
Ipsumque compilauit ad lumen suum;  
Onufus qui sacrilegio quum discederet,  
Repente vocem sancta misit religio:  
Malorum quamuis ista fuerint munera, 5  
Mihique inuisa, ut non offendar subripi;  
Tamen, scelestae, spiritu culpam lues,  
Olim quum adscriptus venerit poenae dies.  
Sed ne ignis noster facinori praeluceat,  
Per quem verendos excolit pietas Deos, 10  
Veto esse tale luminis commercium.  
Ita hodie nec lucernam de flamma Deum,  
Nec de lucerna fas est accendi sacrum.

Quot res contineat hoc argumentum utiles,  
Non explicabit aliis, quam qui repperit. 15  
Significat primo, saepe, quos ipse alueris,  
Tibi inueniri maxime contrarios.  
Secundo ostendit, scelera non ira Deum,  
Fatorum dicto sed puniri tempore.  
Nouissime interdicit, ne cum malefico  
Usum bonus confociet ullius rei. 20

Nul-

